

AR SPILLEN

I

Ia ! gant eul loummad guin guen
 Betec anter va gueren
 Var beg eur spillen e rafen
 Eur zôn keit hag eur goalen.
 Setu va loummad guin evet :
 Setu va zôn commanset.

II

'Pourmenit dre an oll broïou,
 E peb leac'h e zeuz spillou :
 Spillou aour, spillou arc'hant,
 Spillou aliez livet-koant ;
 Ha spillou bras ha spillou cren
 Spillou du, spillou melen.

III

E peb stad hag e peb amzer
 Ar spillou zo necesser :
 D'ar varkizez, d'ar Rouanez
 Ha d'ar baour-kez artizanez
 En noz kercoulz hag en deiz,
 Er gozni, er iaouankiz.

IV

Pa za Jannet d'ar pardonïou
 Ractal e clask he spillou,
 En he c'hoef e laca peder
 Ha teir en he mouchouer ;
 En he berniden e laca
 Spillou, spillou eb kounta.

V

Deac'h e velen eur bugel
 O clask dibri bigerniel :
 « Del, paotric, kemer eur spillen
 Ha goudeze gra evelhen.
 — Olla ! eme ar paotr laouen,
 Bevet begic ar spillen !

VI

Ma chom gant an dud avechou
 Ho buez hag ho madou,
 A gement-se int dleourien
 Aliez da veg eur spillen.
 Ha setu ama eur breuven :
 Bevet begic ar spillen !

VII

'Kreis an noz attaket, an den
 A gemer eur bistolen.
 Chatt ! Stanket eo toul an oalet !
 E distanka eta 'zo ret !
 Petra a lamo he anken
 Nemet begic ar spillen ?

VIII

Eur c'harrer a raio eur c'har
 Hag eur c'halvez eun alar :
 Mæs evit ober eur spillen
 E zeo ret kavout pevar den !
 Meur a hini a zebr bara
 Ha ne oar ket an-dra-ma.

IX

Unan a daill troad ar spillen
 Eun all a eün he guimpen
 Gant eul letoun en dro d'he fen
 Eun all a ra he c'hurunen
 Eun all gant he vean-higolen
 A lemm begic ar spillen.